

# **Memorandum o saradnji**

**zaključen između**

**Federalne agencije za upravljanje oduzetom imovinom**

**i**

**Federalne uprave policije**

**FEDERALNA AGENCIJA ZA UPRAVLJANJE ODUZETOM IMOVINOM**, sa sjedištem u Sarajevu, ulica Put života broj 2 (u daljem tekstu: Agencija) koju zastupa v.d. direktor Emir Bašić

i

**FEDERALNA UPRAVA POLICIJE**, sa sjedištem u Sarajevu, ulica Mehmeda Spahe broj 7 (u daljem tekstu: Uprava policije) koju zastupa direktor po ovlaštenju Vlade Federacije Bosne i Hercegovine, glavni inspektor Vahidin Munjić, zaključili su

## **M E M O R A N D U M** o saradnji

### **I OPŠTE ODREDBE**

#### **Član 1.**

Ovaj memorandum o saradnji (u daljem tekstu: Memorandum) se zaključuje sa ciljem uspostavljanja saradnje u oblasti stručne edukacije državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom, kao i uspostavljanje efikasnije međusobne saradnje iz drugih zakonom utvrđenih nadležnosti Agencije i Uprave policije.

#### **Član 2.**

Potpisnici su saglasni da se ovim memorandumom u okviru predviđenih nadležnosti definišu: načela, predmet saradnje i pružanja pomoći u skladu s nadležnostima proisteklih iz zakonskih i podzakonskih propisa.

#### **Član 3.**

Ovim memorandumom se određuju osnove saradnje, uloge, obaveze i odgovornosti potpisnika ostavljajući mogućnost da se kasnije dodatno, preciznije i detaljnije utvrđuje njegov sadržaj ili pojedini dijelovi sadržaja.

### **II NADLEŽNOSTI**

#### **Član 4.**

(1) Članom 30. Zakona oduzimanju nezakonito stečene imovine krivičnim djelom („Službene novine Federacije BiH“, broj 71/14) (u daljem tekstu: Zakon) Agencija je nadležna za upravljanje privremeno i trajno oduzetom imovinom, provođenje analiza u području oduzimanja imovinske koristi pribavljene krivičnim djelom, stručnu edukaciju iz područja finansijskih istraga i oduzimanja imovinske koristi pribavljene krivičnim djelom, kao i obavljanje i drugih poslova propisanih ovim zakonom.

(2) Članom 31. Zakona Agencija, između ostalog, vrši analize i procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela, sačinjava analize u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom, inicira i daje preporuke za unapređenje pravnih propisa u oblasti provođenja finansijskih istraga i oduzimanja imovinske koristi pribavljene krivičnim djelom, sačinjava prijedlog Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcioni plan za njeno izvršenje, koordinira i prati provođenje Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcionog plana, te daje mišljenja i preporuke za njihovo efikasnije provođenje i saradnji sa drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom.

### **Član 5.**

(1) Shodno Zakonu o unutrašnjim poslovima Federacije Bosne i Hercegovine („Službene novine Federacije BiH“, broj: 81/14) u sastavu Federalnog ministarstva unutrašnjih poslova je Federalna uprava policije koja, kao policijski organ, obavlja policijske operative poslove iz nadležnosti Ministarstva, a koji se odnose na sprječavanje i otkrivanje krivičnih djela: terorizma, međukantonalnog kriminala, stavljanja u promet opojnih droga i organizovanog kriminala, te pronalaženje i hvatanje počinitelaca tih krivičnih djela i njihovo privođenje nadležnim organima, kao i osiguranje određenih važnih osoba i objekata Federacije.

(2) Pored prethodno navedenog, a u skladu sa članom 31. istog Zakona, Uprava policije je između ostalog nadležna i za poduzimanje mjera i radnji na sprječavanju i otkrivanju krivičnih djela iz svoje nadležnosti, obavljanju kriminalističko-tehničkih vještačenja iz svoje nadležnosti, saradnju sa nadležnim tužilaštvima u vezi krivičnih predmeta, obavljanje i drugih poslova i zadataka policije koje joj povjere sudovi i tužilaštava u Bosni i Hercegovini, sačinjavanje i predlaganje programa obrazovanja, profesionalnih obuka i naprednih kurseva za policijske službenike.

## **III NAČELA**

### **Član 6.**

Agencija i Uprava policije su saglasni da će sarađivati u svim zajedničkim aktivnostima poštujući načela javnosti, efikasnosti, stručnosti, odgovornosti i ekonomičnosti.

## **IV PODRUČJA SARADNJE**

### **Član 7.**

- (1) Agencija i Uprava policije, odnosno potpisnice su saglasne da će uspostaviti saradnju radi razmjene iskustva, informacija i tehničke pomoći u skladu sa zakonskim ovlastima, a u vezi organizovanja zajedničkih i pojedinačnih edukacija iz područja finansijskih istraga i oduzimanja imovinske koristi pribavljene krivičnim djelom.
- (2) Agencija se obavezuje da će u okviru izvršenja poslova iz člana 30. stav (1) tačka c) Zakona, a koji se odnose na provođenje stručnih edukacija iz područja finansijskih istraga i oduzimanja imovinske koristi pribavljene krivičnim djelom uključivati službenike Uprave policije, kao i da će po pozivu Uprave policije imenovati osobu ispred Agencije za provođenje stručnih edukacija koje organizuje Uprava policije iz ove oblasti.
- (3) Agencija i Uprava policije će angažovanje edukatora i učesnika edukacija vršiti međusobnim dogovorom za svaku pojedinu edukaciju po potrebi.
- (4) Agencija i Uprava policije se obavezuju da će po potrebi vršiti analizu pravnog okvira i drugih pitanja vezanih za provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom, te će po potrebi, zajednički, kod nadležnih organa zakonodavne, izvršne i sudske vlasti ili drugih relevantnih tijela inicirati izmjene i dopune zakonskih i podzakonskih propisa i rješavanje drugih pitanja potrebnih za efikasno provođenje finansijskih istraga i oduzimanja imovinske koristi pribavljene krivičnim djelom.
- (5) Agencija i Uprava policije su saglasne da će međusobno razmjenivati podatke u svrhu sačinjavanja procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela, kao i razmjenu drugih informacija i podataka o stanju u oblasti oduzimanja imovinske koristi pribavljene krivičnim djelom.
- (6) Uprava policije je saglasna da će po potrebi i pozivu Agencije učestvovati u izradi prijedloga Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcionog plana za njeno izvršenje u onoj mjeri koja se odnosi na zakonsku nadležnost Uprave policije.

## **V NOSITELJ POSLOVA SARADNJE**

### **Član 9.**

Nositelj poslova saradnje će se organizovati na nivou Agencije i Uprave policije, odnosno organizacionih jedinica u okvirima istih.

## VI ZAVRŠNE ODREDBE

### Član 10.

Ovaj memorandum je potpisan u četiti istovjetna primjerka od kojih svaka strana zadržava po dva primjerka.

### Član 11.

Ovaj memorandum stupa na snagu danom potpisivanja.

### POTPISNICI MEMORANDUMA:

**Federalna agencija za  
upravljanje oduzetom imovinom**

v.d. DIREKTOR

  
**Emir Bašić**

Broj: 01-41-71/123  
Sarajevo, 08.12.2023. godine

**Federalna uprava policije**

**DIREKTOR  
(po ovlaštenju Vlade FBiH)  
GLAVNI INSPEKTOR**

  
**Vahidin Munjić**

Broj: 09-04-3-3340  
Sarajevo, 08.12.2023. godine